

# Korefees 2019 weereens 'n hoogtepunt

**K**orefees 2019 was in Heilbron NG Kerk Suid op 9 September 2019 gehou.

Heilbron Dienssentrum het dit hierdie jaar aangebied en is moontlik gemaak met behulp van AVBOB, OK, Sanjo's, Telwiedré, Pakworks, Louis Kleynhans en Dienssentrum-lede.

Daar het ongeveer 120 mense deelgeneem aan die feestelike gebeurtenis óf die verrigtinge bygewoon.

Kore van Senekal, Vanderbijlpark en Heilbron het deelgeneem. Daar was ook Solokunstenaars wat opgetree het en die standaard van almal was baie goed.

Trompet-, kitaar en konsertina vertonings was ook aangebied.

'n Dansitem was ook voorgedra aan kykers deur vier van Tanya se Dansstudio kinders. Die doel van die korefees is egter nie om te kompeteer nie, maar eerder om jou passie met ander te deel.

Dit was 'n heerlike, gesellige dag van ou vriende wat mekaar lanklaas gesien het en weer kon opvang.

Volgende jaar word die Korefees deur Senekal se Dienssentrum aangebied en almal is reeds opgewonde om weer bymekaar uit te kom.



## Senior Burger Losieshuis open



Die Riemland area is 'n juweel en alle inwoners van Edenville sal bly wees om te hoor dat hier 'n Senior Burger Losieshuis gaan open. Die huis gaan bestuur word deur Stephanie Slabbert en sy is baie opgewonde om die huis op 1 November te open vir senior burgers en hulle diere-kinders. Hierdie huis is geleë twee blokke vanaf die kerk in Scheepersstraat in 'n veilige en rustige omgewing. Daar gaan in alle behoeftes van die inwoners voorsien word en soos in 'n vyfster hotel, gaan wasgoed gewas word en etes verskaf word. Die huis is ten volle gemeubileerd en het selfs 'n klein biblioteek. Daar is 'n veilige parkeerarea indien jy 'n voertuig besit. Saamrygeleenthede kan ook gereël word. Stephanie is opgewonde om elkeen wat belangstel te verwelkom, kontak haar gerus by 061 764 0644.



## Wiskunde en Fisiese Wetenskappe Ekstraklasse

### DERDE KWARTAAL 2019 BESTE PRESTEERDERS:

Die kwartaal het 'n klompie leerders met uitstekende punte opgelewer - baie geluk aan elkeen van julle! Hieronder is egter die TOP-presteerders tydens dié kwartaal:

#### • HEILBRON (SDE JR VAN KLASSE AANBIED)

Beste prestasie : Jané Jansen van Rensburg gr. 9 Wiskunde = 95%!!  
Beste verbetering : Mienke Roos gr.11 Wiskunde = +28%!!

#### • FRANKFORT (4DE JR VAN KLASSE AANBIED)

Beste prestasie : Isa-Marie van den Berg gr.10 Wiskunde = 95%!!  
Beste verbetering : Kirsten Janse van Rensburg gr.11 Fisiese Wetenskappe = +22%!!

*Kontak my indien jy belangstel in ekstraklasse gr.8 tot 12, vir 2020.*

*Daar is nog enkele plekke beskikbaar vir 2020.*

*Suryn Claasen 083 234 9882.*



Jané J v Rensburg Mienke Roos Isa-Marie vd Berg Kirsten J v Rensburg

## Kompetisie vir Riemland Matriekafskied paartjie vir 2019

**S**oos in laasweek se Herald reeds aangekondig is, is Die Riemland Matriekafskied Paartjie kompetisie in volle vaart. Daar het reeds 11 paartjies ingeskryf. Gaan volg ons Facebook-blad om op datum te bly met die inskrywings. Indien jy nog nie ingeskryf het nie, skryf nou in en staan 'n kans om met jou gunsteling foto 2 x A2 "canvasse" by Heilbron Herald te wen.

Om in te skryf, volg die eenvoudige stappe en hierdie twee "canvasse" is jou en jou metgesel s'n! Stuur jou matriekafskied-foto via Facebook-messenger vir die Heilbron Herald Facebook-blad waarna ons dit dan op die blad sal laai en soveel moontlik "likes" gewerf kan word.

Foto inskrywings sowel as "likes" sluit 25 Oktober om 08:00. Geen foto's of "likes" word na hierdie datum en tyd meer aanvaar nie. Wanneer die foto gestuur word, dui asseblief aan wie die paartjie is - Naam en Van. Die wenner sal in die koerant aangekondig word op 1 November.

Vir enige navrae skakel Silma by 058 852 3033. Sterkte aan al die deelnemers!

Bepalings en voorwaardes:

- Die deelnemer moet Heilbron Herald se Facebook-blad volg om te kan inskryf.

- Heilbron Herald sal die kompetisie beoordeel, uit die inskrywings wat ontvang is teen 25 Oktober 2019.

- Heilbron Herald se besluit ten opsigte van diegene wat deelneem en die keuse van die wenner is finaal. Geen korrespondensie met betrekking tot die kompetisie sal aangegaan word nie.

- Slegs die foto's op die Heilbron Herald Facebook-blad se "likes" sal in ag geneem word vir die kompetisie.

- Enige Facebook reaksie tel vir die kompetisie, dit wil sê jy mag: "Like, Love, Haha, Wow, Sad en Angry" gebruik vir die kompetisie.

- Slegs paartjies wat in 2019 'n matriekafskied bygewoon het kan deelneem.

- Die wenner is self verantwoordelik om die prys te kom afhaal by Heilbron Herald Large Format Division en verdere reëlings te tref.

**TUINBOU VERGADERING**  
16 Oktober 2019  
The Little Red Cafe - Vdbp  
Vertrek 8:30 vanaf Bron van Heil

- Plant self jou eie protea - Nico Thuynsma
- Deborah Dorcas Skincare - natuurlike skoonheidsprodukte met Rene Botha
- Maak jou eie papierblom

Bevestig bywoning voor/op  
14 Oktober by  
Wilna Weilbach 072 198 5863

*Almal is baie welkom!*